

標註八宗綱要


全

特279-123



1200501131969

特279



始



東大寺凝然師述
黑田真洞宗標註

標註八宗綱要

京都書肆 三書堂藏

特 279
123

標註八宗綱要引

№10524

一坊本文字顛倒錯間誤謬不一而足其行文不正者抄主意
唯在闡學者解行而不締文飾故存而不論余校正異同唯
以義通為先要故取其善者煩不附校異疑者闕如不妄改
竄微意庶幾讀者便耳



一標註爰引經論疏釋單稱論曰玄義者俱舍宗下則指俱舍
論唯識宗下則指唯識論曰論餘皆準此
一標註爰引經論疏釋勉本簡易是以或畧抄或取意只無害
其意為要八宗要義不盡于此導有捷徑進有楷梯竊學抄

日本圖書集成 標註八宗綱要

主唯提其要而已若於此欲得完璧穿鑿却害抄主意歟讀者察焉

一八宗綱要為解行入門捷徑簡而易要而不失述作好意不可不知也余謏劣為新學施以標註竊期流傳雖然不可無誤謬俟正于來者

明治十八年六月

緣山留學沙門真洞誌

八宗綱要抄上

凝然大德述

○薄伽 理趣全述 贊上云云薄伽梵

古名摩伽婆義當世尊之梵義開所以

不翻佛地論云薄伽婆聲依六種義轉自在熾盛與勝嚴名稱

吉祥及尊貴如是六義名薄伽婆

○有無量門 大集經十四氏云八萬四千諸三昧門一一

以無量阿僧祇百千三昧為眷屬又佛地論五十三言分別波羅密多其數無量

問佛教有幾門耶 答薄伽教法物有無量門且

舉大途則八萬四千釋尊一代五十箇年所說法莫

不攝盡 問何故法門數量必爾 答為欲對治

一切眾生八萬四千諸塵勞故所以法門必有八萬

四千數 問此等法門為唯約大乘為通小乘乎

答大小二乘各八萬四千法門立也如俱舍云牟

尼說法蘊數有八十千上加之諸小乘經多說法有

八萬四千此等並是小乘所立如大乘教中盛談此

義文據甚多不待言論故大小兩乘皆各立有八萬

○五藏十藏 義林章二本云攢子部中亦說四藏一經二律三對法四明呪法藏部中說有五藏即於此四如菩薩藏成實論中說有五藏說三藏已復說雜藏及菩薩藏其十藏說未考依處胎經五藏六說八藏一胎化藏二中陰藏三摩訶訶藏四戒律藏五菩薩藏六雜藏七金剛藏八佛藏
○出智度論 又出持地論三五同八二攝大東論一五等
大東義章一七法華玄義十之下四實

四千也 問此等法門如何攝束 答法門雖多不過二藏及以三藏取攝諸教皆悉窮盡厥之五藏十藏十二分教等門亦不出三藏焉 問且二藏者何 答一聲聞藏是小乘也二菩薩藏是大乘也大小兩乘各立有八萬四千者即此義也此二藏義出智度論及莊嚴論諸家咸引以判大小 問次其三藏者何 答一素坦覽藏古云修多羅此翻契經古單二毘奈耶藏古云毘尼此云調伏古云律三阿毘達磨藏古云毘曇此云對法古云毘曇是論義也此云三藏如次詮於定戒惠學三藏是能詮教三學即所詮義以攝

窟上本廿八義林章二本廿一皆引以判大小
○聖者等結 西域九十四阿難集素怛覽藏優婆塞集毘奈耶藏迦葉集阿毘達磨藏
○迦葉波等 古來明結集處諸說不同法顯傳云迦蘭陀竹園西行三百步有一石室名寶波羅窟長里山北帳中有一石室名車帝五百羅漢結集處真諦部執說西域記等皆同智論云耆闍崛山又智論云弥勒文殊將阿難

法義無有遺餘 問云何攝哉 答如來一代對機授法有機即授處處散說然說教分齊不過三藏故結集之時諸聖者等結為三藏悉結集已以傳世問 問此之三藏通大小乘哉 答爾通也如莊嚴論等具明之故於聲聞菩薩二藏各有三藏經律論是也 問此等教文古今傳通其相如何 答如來在世不用典籍隨聞依行即得證益如來滅後始有典籍傳通以開衆生眼目依之迦葉波等結小乘三藏於畢鉢之窟場阿逸多等集大乘教法於鐵圍之中間于是摩訶迦葉秉聖法而繼玄綱阿難尊

於鐵圍山問集大乘
三藏為菩薩藏具
義林草二本三藏章

○阿難入定等 付
法藏二好三云也
當知大目犍連舍利
弗等所入三昧其餘
羅漢不能測度善師
阿難三昧我悉不知
今我三昧汝亦不識
如此三昧我涅槃後
皆隨吾滅七萬七千
本生經一萬阿毘曇
八萬清淨毘尼如斯
之法亦隨我滅

者持契範而利群生末田商那各提義網優婆耆多
獨彰美號佛滅百年寫瓶無遺法匠五師傳持有功
百歲已後諸聖亦出互傳聖典各秉大法然隨諸聖
隱沒法義非無滅如阿難入定胎衣不測商那入滅
眾經隨隱雖然遺餘不少殘教寔多故正法千年乃
至末法隨時秉持隨處流傳至于流轉諸處者五印
諸國乃至日域其餘諸國不可稱計各弘聖典並興
佛事今且述天竺震旦日域三國弘傳之相者傳聞
如來滅後四百年間小乘繁昌異計相興大乘隱沒
納在龍宮就中一百年間純一寫瓶百餘年後異計

○五事妄言 摩訶
提婆末土羅國商主
之子造三逆罪而後
出家集五惡見事而
作頌言餘所誘無知
猶隸他今入道因聲
故起是名真佛教名
之為五事妄言具如
異部宗輪論述記卅
六三論玄義八十四釋
○五百交諍 智論
六十三三佛滅後五
百歲後有五百部不
知佛意為解脫故執
諸法有決定相云

競起是以摩訶提婆徒吐五事之妄言婆羅富羅未
捨實我之堅情正量經量諍大義而紛紜西山北山
起異見而猥綸遂使四百年間二十部競起五印土
中乃至五百交諍五百年時外道競興小乘稍隱况
大乘耶爰馬鳴論師時將六百始弘大乘起信論等
是時則造外道邪見卷舌皆亡小乘異部閉口咸伏
大乘深法再興閻浮眾生機感已趣正路次者有龍
樹菩薩六百季曆七百初運紹于馬鳴獨步五印所
有外道無不皆摧所有佛法皆悉傳持三本華嚴獨
含胸藏四辯文河妙控江海廣造論藏而青於藍深

○妙雲相佛 金剛
正智經所說 秘密付
法傳云 尋本則妙雲
如來現迹 則登歡喜
李如付法傳 兼解一
之上 此釋

窮佛法而寒於水 九斯二大論師並是高位大士也
馬鳴則古之大光明佛今則示迹於第八地龍樹則
昔之妙雲相佛今則寄位於初歡喜俱本佛也並垂
迹也智辯超倫其事宜哉爰大聖應現化緣已盡息
化歸本衆生業緣亦復雜起邪見還深依之九百年
時無著菩薩出於世間利益衆生夜昇都率現稟慈
氏晝降闍浮廣教衆生然衆生執深尚不從化故即
請慈尊自降說法慈尊請應降中天竺阿瑜遮那講
堂說五部大論如瑜伽論卷軸一百八萬法門深談
奧義一代教文莫不皆判故名廣釋諸經論矣是時

○護法清辨 唯識
義燈一本 經護法菩
薩千百年後方始出
世造唯識論及廣百
論釋淨辨同時出造
常於論此時大乘方
靜空有
○戒賢智光 記信
論義記上八探玄記
一廿八舉日照三藏
傳廣示兩大德判教

衆生邪見悉伏正路同趣進入妙麗慈尊昇天之後
無著繼化闍浮此時代中世親施化始弘小乘廣制
五百部論後學大乘亦造五百部論故世舉號千部
論師加之訶梨跋摩之成實論衆賢論師之順正理
此時製矣如來滅後一千年間大乘宗義未分異計
千一百年之後大乘始起異見故千一十年護法清
辨唯識論三卷七記日本經部珍論上八淨空有於依他之上千七百歲戒賢智光論相性
於脣舌間如金剛與金剛似巨石與巨石厥餘諸
大論師龍智提婆青目羅喉羅陳那親勝火辨智月
等並是四依大士衆生所歸古今挺出蘭菊諱美諸

○迦騰始來 靖邁
譯經圖記一初云維
孝明皇帝永平三年
帝夢金人乃至至七
年帝勅郎中蔡愔等
二十八人西尋佛法
請迦騰摩騰竺法蘭
用白馬馱經并將畫
像送佛像以永平十
年至洛陽云
○韋陀天告 感通
傳云道宣問天人玄
什師所譯之經至今
受持盛何耶答曰其
人聰慧善解入衆絕
後光前仰之所不及
海龍神護 探玄
記一凡十晉義熙十
四年於揚州謝司空
寺譯出此經每日有

宗各取以爲祖匠衆生互憑以爲上首如此論師古
來繼出照燭五印拔濟衆生是爲天竺弘通之相也
至如震且國者如來滅後一千年末迦騰始來竺蘭
次至始傳三寶漸弘五乘自爾已來漢魏晉宋齊梁
陳隋唐宋此等朝中三藏諸師各傳佛教互弘聖法
至如翻經三藏或從西至此或從此往還大小三藏
皆悉翻傳顯密二宗互各弘通是以羅什玄奘之窮
翻經妙也果感韋陀之天告矣覺賢曇無之稱傳譯
美也遂得海龍之神護矣其餘高僧崇佛法之者或
金陵淨影月澄于八不顯實之水或南岳天台花鮮

二青及童子自池出
堂泗掃供養暮還歸
池云

○惠影 依諸宗章
疏錄成實論義章二
十卷惠影述其他道
亮明彦懷素等各制
疏令并逸矣

于一心三觀之藺慈恩淄洲風涼于三草二木之梢
香象清涼玉明于十玄六相之臺加之光寶二師窮
對法而明明礪宣兩家瑩戒律而歷歷況於成實之
大義惠影獨麗真言之密教行果俱朗乎自外諸德
不可稱計並弘大道互通佛教威德巍巍數感天給
妙解蕩蕩頗見心佛如此高僧古今之間多哉大哉
豈言語之所及乎此謂辰且弘傳之相也至如日本
國者人王第三十代欽明天皇御宇第六年乙丑
大同年十一月從百濟國聖明王獻金銅釋迦像一軀
及幡蓋若干經論天皇歡喜即見崇之于時臣下雖

○定惠弓箭 智論
二行十云引禪定弓
故智慧箭
○高麗兩僧 推古
天皇三年高麗惠慈
百濟惠聰來朝太子
師之

不敬之遂建寺宇安置佛經其後漸漸三寶興建第
三十一代敏達天皇元年壬辰正月一日聖德太子
誕生和國更弘佛法廣滿天下伽藍諸處度人無量
守屋逆臣被定惠弓箭高麗兩僧得弘通稱譽降伏
邪見紹隆三寶拔濟衆生施作佛事千古百來何處
過之偏是上宮太子善巧之力也自爾已來高僧頻
出廣傳佛法大聖垂迹弘三寶惠觀僧正傳三論深
義玄昉僧正弘法相大乘華嚴圓宗道璿律師傳之
戒律天台鑒真和尚弘之傳教大師重興天台弘法
大師盛開真言俱舍成實各有傳承此等諸德或從

唐至此或此往還自餘諸師弘傳甚多並前後既如
上法或汲玉泉之流或傳惠日光或受清涼之滿月
或爲玉花之門葉或入南山貞松之下或遊西湖靈
芝之園或青龍深窮海底或大雲遍覆四面大小兩
乘性相二宗教觀二門顯密二教各各傳通不可稱
計七大諸寺並肩鑽仰南北二京諍美依學互是龍
象之徒衆俱爲人天大師厥餘邊方亦隨弘通自古
至今繼踵不絕末法味薄教海本深欲釣其奧不能
及大哉不可得而稱者也此謂日域弘傳之相也
問三國弘傳之相略知既爾然今日域所傳佛法惣

有幾許請重明之。答日域教自昔所翫本只八宗至今不改其之中間非無異宗雖然古今共許所翫其帝八宗而已。問其八宗者云何。答言八宗者一俱舍宗二成實宗三律宗四法相宗五三論宗六天台宗七華嚴宗八真言宗也。問此八宗中幾是小乘是大乘乎。答俱舍成實及律此三宗皆是小乘也法相三論天台華嚴及以真言此之五宗並是大乘也。問此之八宗所談義理各可得聞乎。答諸宗義趣深奧難知一宗尚嗜未聞況於八箇宗乎故唯列名目粗述一義耳。

俱舍宗

問何故名俱舍宗乎。答俱舍者是本論名具言之即論題云阿毘達磨俱舍論論之一字是漢語餘之六字並梵語阿毘此云對達磨此云法俱舍云藏謂對法藏論也謂無漏惠名之為對對有二義一者對向涅槃故二者對觀四諦故法有二義一勝義法謂是涅槃也二法相法通四聖諦謂無漏惠對向對觀涅槃四諦故藏有二義一者包含二者所依包含義者此論包含發智論等諸勝義言故名為藏對法之藏依主釋也所依義者此論依彼發智論等而造故

○對向對觀 須疏
一三寸云前言對向
以因對果因即淨慧
果即涅槃後言對觀
以心對境心即淨慧
境即四諦云云
○藏有二義 鈔主
且依此法師釋彼記
一三寸云包含為藏
由根本對法中所有
勝義入此論攝此論
得藏名又釋所依云
以對法為藏名對法
藏猶如刀藏刀藏謂

刀鞘是刀所依故云
論具論一云云
頌云淨慧隨行名對
法辨善及能得此諸
慧論對法彼具經勝
義世俗對法鈔主且
明勝義故讓彼勝義
世俗即真偽異名云
云
○迦濕那國 案西
域記三十五頌疏一
十二皆言健馱羅國
舊本作迦濕那國非
也
○如折金杖 南海
傳一云頌毗婆羅
王夢見一羅刹為十
八片一金杖折為十
八段佈問佛言我
滅度後諸苾芻教分

爾全取本論對法藏名有對法藏故名對法藏是有
財釋論具題名其義如此今此俱舍以為宗故名俱
舍宗也 問此論如來滅後經幾許年誰人造乎
答此論如來滅後九百年時世親菩薩之所造也二
十部中是薩婆多部也源出婆娑勢捶諸教婆娑是
本法智六足如來滅後四百年初健馱羅國有國王
名迦膩色迦其王敬信尊重佛經有日請僧入宮供
養王因問道僧說不同王甚怪焉問脇尊者曰佛教
同源理無異趣諸德宜唱爰有異乎尊者答曰何說
皆正隨修得果也佛既懸記如折金杖王聞此語因

十八題解脫其致一
此即先兆云云

○定開滿六通 開
字悉衍頌疏云定滿
六通智圓四辨內開
三藏外達五明方堪
結集辭云六通依定
故舉定取通四辨依
智故標智言辨即是
備六通名滿具四辨
名同
○蓋以世友等 頌
疏云師尊者云迦濕
那羅林木鬱茂泉石
清閑聖賢所居靈仙
遊止乃至可結集矣

為問曰諸部立範孰最善乎我欲修行願尊者說尊
者答曰諸部之中莫越有宗王欲修行宜遵此矣王
即歡喜令結此部三藏法門有德諸僧四方雲集九
聖極多不可煩亂遂簡允僧唯留聖僧聖僧尚繁簡
去有學唯留無學無學復多不可惣集於無學內定
閑滿六通智圓四辨內闡三藏外達五明爾堪結集
所留德聖唯有四百九十九人遂以世友尊者足成
五百人矣即以世友尊者推為上座於是五百聖眾
初集十萬頌釋咀咀覽藏次造十萬頌釋毘奈耶藏
後造十萬頌釋阿毘達磨藏即大毘婆娑是也五百

於是國王及諸聖衆
自彼至迦濕彌羅
三藏結集迦濕彌羅
之事應知

羅漢既結集已刻石立誓唯聽自國不許外國方勅
夜及神守護城門不令散出然世親尊者舊習有宗
後學經部將為當理於有宗義懷取捨心欲定是非
潛名重往時經四歲屢以自宗頻破他部悟入尊者
被詰莫通尊者入定知是世親私告之曰此部衆中
未離欲者知長老破必相致害長老可速歸還本國
于時世親至本國已講毘婆娑若一日講便造一偈
攝一日中所講之義刻赤銅葉書寫此偈如此次第
成六百頌攝大毘婆娑其義周盡標頌香象擊鼓宣
令誰能破者吾當謝之竟無一人破斯偈頌將此偈

於下卷
羅漢

頌使人賈往迦濕旃國時彼國王及諸僧衆聞皆歡
喜謂弘已宗悟入知非告怪諸人遂請造釋世親論
主即應王請為釋本文凡八千頌後見彼釋果如悟
入羅漢所言于時悟入尊者弟子衆賢論師造論破
俱舍名俱舍電論令世親見世親即讚改名即為順
正理論彼衆賢論師亦造顯宗論譯成四十卷順正
理譯成八十卷故知此俱舍論源出婆娑論問此
論與起既九百時其傳東夏是何時耶答此論翻
時即有二代初陳朝真諦三藏譯成二十卷即自作
疏有五十卷亡逸不傳後唐朝玄奘三藏永徽年中

三十一
通正

○顯密意趣 鈔主
且依圓暉師意如彼
疏一二時釋若依光
法二師宗有部時以

於慈恩寺譯成三十卷今即此本也然則此論既世
親論主所造故以世親菩薩為本祖師大唐國中遍
學三藏妙翻傳之門人普光法師寶法師各作疏釋
之及餘諸師莫不皆既乃至傳于日本于今不絕相
承繼跡諸寺競學 問此宗唯述有宗歟頗有兼餘
乎 答此論正述有宗故所立義本薩婆多而製造
之然時友彼經部之義故論文俱舍論九卷八迦濕拏羅義理成
我多依彼釋對法上已又云經部所說不違理故上已取
捨二宗顯密意趣依此等文其義可知 問此論以
何為其宗旨 答既述有宗故說一切諸法實有以

經部正之取理長為
宗未有顯密辨云云

○四說不同 法救
尊者約種類殊如破
金器為餘物妙音尊
者約世相隱顯世友
尊者約作用已起未
起覺天尊者約觀侍
別建立三世如論三氏明

為其宗若密言之非無經部義今約顯意唯是有宗
三世實有法躰恒有惣是此宗所談義也然說三世
實有諸說不同即有四說一法救尊者云由類不同
三世有異二妙音尊者云由相不同三世有異三世
友尊者云由位不同三世有異四覺天尊者云由待
不同三世有異今世親論主並評此四家世友尊者
以為最善若經部宗過未無體唯現是有此俱舍論
既是對法故此論藏 問此論惣明何等義乎 答
此論三十卷惣有九品一界品二根品三世間品四
業品五隨眠品六賢聖品七智品八定品九破我品

略頌云界二根五世間五業六隨三賢聖四智二定
 二破我一。是名俱舍三十卷。其破我品無別正頌聚
 經中伽陀而已。此九品中初之二品。惣明有漏無漏
 後之六品。別明有漏無漏。就惣明中。初界品明諸法
 躰。次根品明諸法。用別明六中。初之三品。別明有漏
 後三品。別明無漏。明有漏中。世品明果。業品明因。隨
 眠品明緣。明無漏中。賢聖品明果。智品明因。定品明
 緣。其破我品。明無我理。一部三十卷。九品始終所明
 義理分齊如此。問此宗幾種攝諸法乎。答七十
 五法。攝諸法。盡七十五法者。一者色法。此有十一。五

大煩惱地
 下煩惱法
 字
 小煩惱下
 總說字

根五境及無表色。二者心法。此唯一也。六識心王。惣
 為一。故三者心所有法。有四十六分。為六位。大地法
 十大善地法。十大煩惱地。六大不善地法。二小煩惱
 法。十不定地法。八合。有四十六名。六位。心所。大地法
 十者。俱舍頌云。受想思觸欲。惠念與作意。勝解三摩
 地。遍於一切心。比大善地法十者。又同頌云。信及不
 放逸。輕安捨慙愧。二根及不害。勤唯遍善心。比大煩
 惱地法。六者同頌云。癡逸怠不信。惛掉恒唯染。比大
 不善地法。二者同頌云。唯遍不善心。無慙及無愧。比小
 煩惱地法。十者同頌云。忿覆慳嫉惱。害恨諂誑。如是

○七階 五停心別
相念處 觀相念處 煖
頂忍世第一

類名爲小煩惱地法。已不定地法。八者略頌云。尋伺
及悔眠貪瞋與慢疑。四者不相應行。此有十四俱舍
頌云。心不相應行。得非得。同分。無想。二定命。相名身
等類。已五者無爲。此有三種。一擇滅無爲。二非擇滅
無爲。三虛空無爲。此名七十五法。七十五中。前七十
二。並是有爲。後三。是無爲。一切諸法。不過此。二有爲
法。中有漏無漏。無爲。是無漏。故此宗中建七十五攝
於諸法。莫不窮盡。問此宗之中。三乘因果云何。建
立乎。答於三乘中。聲聞經三生六十劫。修行得果。
方便有七階果。即四級緣覺經四生百劫。修因證果。

○唯一向果 光記
共一四云。獨覺成
道。不唯三十四心得
見諦。已具起上八地
七十二品。無間解脫。
應言獨覺。極疾者一
百六十心。取果云云。
○化緣已盡 佛留
壽三月。最後度。蘇跋
陀羅。化緣盡。故捨多
壽行。歸涅槃。不同業
熱。不自在。婆娑。一百
二十六云。經說世
尊留多命行。捨多壽
行。其義云何。有作此
說。世尊捨三分壽。
百廿歲。有作此說。捨
五分壽。百歲。

○成實論 三論玄

因行積集。直登無學。無有多階。唯一向果。菩薩經三
阿僧祇劫。修諸波羅蜜。百劫之中。植相好業。取後身
中。於金剛座。斷結成佛。化緣已盡。入無餘涅槃。斯迺
聲聞觀四諦。緣覺觀十二因緣。菩薩修六度。問此
宗明幾空乎。答唯明生空。不談法空。言生空者。即
遣我執。五蘊之中。無有人我。唯是五蘊和合。聚成假
名。爲人。無有實人。如此觀。故證我空。理然。其法躰三
世實有。由此義。故他宗名爲我空法。有宗也。

成實宗

問何故名成實宗乎。答以成實論爲所依。名成實

義六云實謂四諦之理成謂能成之文故云爲成是法故造斯論如論三行十苦諦聚色論中色相品說

○乃至日域 推古天皇三十三年高麗之僧惠灌始傳三論成實二宗

經部下脫或字

宗言成實者釋成如來所說三藏之中實義故也故彼論師述懷文云故我欲正論三藏中實義已上出彼論第一問此論如來滅後幾年誰人造乎 答如來滅後九百年中薩婆多宗學者俱摩羅陀上足弟子有訶黎跋摩嫌師見解是甚淺劣簡取諸部寂長之義以爲一類而成宗矣姚秦朝代羅什三藏翻譯弘之一部十六卷二百二品震且諸師多造章疏乃至日域以依學之 問此之論宗二十部中正何部攝又寂長義者是何等義乎 答定成實論所依本部諸解不同或云依多聞部或云依經部云探大釋小或

○分通大乘 行事抄查持記中之一之三云四分曇無德部名爲空宗亦號假名宗即成實所宗也又云教雖是小義乘小道雖通大教全非大教故言分通大乘 ○但南山止曇無德部云此三十字先輩爲之重舉更後者正 ○吳明二空 論十四滅法心品中具成五陰皆空彼云色空無所有乃至識空無所有是故若人觀

云依曇無德部或云取諸部長小乘或云依化地部又梁三大法師謂光宅寺法雲法師開善寺智藏法師莊嚴寺文旻法師此三家並云成實論是大乘法華玄義之一之二云天台嘉祥並判小乘南山靈芝俱云分通大乘行華抄中之一之三與分律三論玄義如此諸師異說不同然淨影天台已後多分共評云成實論是小乘中長云但南山律師教是小乘義通大乘云小乘之中多云成實多依經部云或曇無德部云其寂長義者此宗之中具明二空故觀立二種一者空觀如瓶中無水五蘊之中無人我故是人空觀也二者無我觀如瓶躰無實五蘊諸法

色等法空是名見第一義空云

皆假名故是法空觀也既明二空故其義最長 問
若尔可斷二執顯二空故 答不然雖談二空唯斷
見思不斷所知障當是智解甚深故此論中明二
十七賢聖以攝賢聖階位其二十七者一隨信行在
聞思位二隨法行在四善根位三無相行即前二人
入見道故此之三人名預流向四須陀洹果五一來
向六一來果七不還向不還果中開十一人一中般
二生般三有行般四無行般五樂惠六樂定七轉世
八現般九信解十見得十一身證並前七人合成十
八名有學人自下九人並是無學一退法相二守護

○歸一滅諦 論十
三假名品云滅三種
心名為滅諦謂假名
心以因緣智滅法心
以空智滅空心入滅
定滅滅此三心則諸
業煩惱不復起如說
有人是為假名為有
實五陰名為法心若
緣泥洹是名空心
○假有萬像 諸行
如幻化以世諦故似
有非實如彼滅法心
品說

○律 戒疏一之上
律云律者法也從教
為名斷割重輕開遮
持犯非法不定行事
抄中之一云

相三死相四住相五可進相六不壞相七慧解脫八
俱解脫九不退相並前十八合成二十七賢聖也八
十四法攝諸法盡雖未進入大乘於小乘中尤為優
長寔可怪矣是大乘歟一切諸法唯歸一滅諦空理
寂然諸法此上立實法堅情如冰釋假有萬像如林
森虛通妙通其旨深矣

律宗

問何故名律宗乎 答律為所依故名律宗 問律
有幾部 答律有諸部謂二部五部十八五百是如
來在世五十箇年隨機散說滅後弟子昇座結集名

律則據教不孤起
必詮行相戒則因之
而立應知律淨戒為
宗故律宗云云發趣
万行戒為宗趣
○八十誦律 行宗
記之上四十五八
十誦律者即根本部
波離結集一夏九旬
八十番誦故以為號

為一部八十誦律大毘尼藏佛滅百年五師寫瓶絕
是一味未分異見一百年後漸分二部五部及二十
部乃至五百異見競鼓猶如浩波經論亦然三藏等
教一類分故其中律部隨計異成故一大藏分成諸
部如此諸部數多不出二十部內故律部中有二十
部天竺之間諸部並弘然傳震且惣有四律及以五
論其四律者一者十誦律譯成六十一卷是薩婆多
部律也二者四分律譯成六十卷是曇無德部律也
三者僧祇律譯成四十卷此根本二部中窟內上座
也大衆名通二部故四者五分律譯成三十卷此五

有律

○諸部雜亂 續高
僧傳云自律部東關
六百餘歲五部混而
未分故智首論慨商
畧古今著五部區分
抄北一卷云死道編下
四十二卷三姚秦譯
十誦是則納體從半
四分戒本補彼僧祇
隨行宗於一誦宗部
之亂由茲始矣云云
○四分 初分律卷
明比丘戒本二分

部中於沙塞部也迦葉遺律唯傳戒本廣律未流四
律並翻震且悉行然獨流後代唯曇無德部四分律
宗而已其五論者一毘尼母論二摩得勒伽論此依
薩婆多律三善見論此解四分律四薩婆多論此釋
十誦律五明了論此依正量部律自外毘奈耶律及
新譯有部諸律並傳震且然四分一律此土緣深昔
智首律師已前諸部雜亂未是專翫智首律師南山
律師或製五部區分鈔或檢震且初貞受體專依四
分而明受體唯憑曇無而談隨行自尔已來乃至日
域唯傳此部故且就四分一律述與起之根元明傳

律部

律部

十五卷明比丘尼戒
本第三分十四卷明
安居自恣皮草衣等
第四分十一卷明房
舍雜度五百七百
結集等是名四分戒
疏一之上六言四
分者相傳云於上座
部四度傳文此據說
之所至非義判也
○創受戒 曇摩迦
羅曾魏嘉平二年依
四分創行十人受僧
伽跋摩劉宋元嘉十
一年創行尼受此律
尼二眾受法權與也
十有二年 聖武
天皇天平十五年繼
真和尚始創海至孝
謙天皇天平勝寶六

弘之由來 問四分律宗何時興乎 答未分已前
一味寫瓶如來在世隨機散說佛滅百年結集流傳
一百餘年時曇無德羅漢隨見誦出以為一部此是
時此部始而分出 問震且日本何時傳乎 答曹
魏之世行華中之一之二法時尊者創受戒姚秦之世貞元六年佛地耶舍秦言覺明三藏始傳
廣律是震且傳戒之由來也至日域昔天平年中日
本永叡普照此二師往于唐朝請大明寺鑒真大和
尚即應請來至日本途難極多而不奈之十有二年
海中忍難逆浪六迴志都不倦第六度時遂來至日
本請入東大寺聖武天皇王子百官歡喜感悅即毘

年遂來至日本

盧舍那殿前築壇行於受戒天皇皇后乃至四百餘
人並皆受戒後遷大佛殿西別建於戒壇院自尔已
來年年行受于今不絕日本諸州戒律教宗厥時廣
行莫不依翫又建唐招提寺傳弘戒律至于今續續
不絕戒律教宗傳流日域偏是鑒真大和尚之力也
問此宗立幾祖師 答自迦葉尊者至于宋朝近
來其數惣別甚多謂佛是教主理在絕言迦葉尊者
阿難尊者末田地尊者商那和須尊者優婆塞多尊
者曇無德此云法深尊者曇摩迦羅此云法尊尊者法聰律師道覆
律師惠光律師道雲律師道洪律師智首律師南山

律師秀律師道恒律師省躬律師惠正律師法寶律師宋僧傳十四卷
宋僧傳十六卷師元表律師守言律師無外律師法宋律師處恒律師佛祖統紀三十卷
佛祖統紀三十卷師擇悟律師允堪律師擇其律師元照律師是也若別據當律初與至于南山律師驗為九祖自法正尊者而取之故南山已後次第同前若依日本弘傳南山律師弘景律師鑒真大僧正法進大僧都如寶小僧都豐安僧正等是也 問四分律宗頗有異解分流乎 答唐朝有之謂相部法礪律師終南山道宣律師西大原寺東塔懷素律師各立異義門業互諍此名律三宗鑒真和尚相部大疏南山虬文並傳日

○各立異義 宋僧傳十五卷
 ○虬文 龍身有文彩謂之虬

○受隨相稱等 抄下四之三三十一云若四分律事法他部自有明文必準行文刪繁補闕意在茲又釋戒跡取大義固實義決開推教有宗色非為非心顯示受體云還東安心於本藏識為善種子或明戒戒三聚旨故云大小途和解行相應要如鈔主自釋

本諸寺諸山並令講通彼唐朝三宗後唯南山遺自餘諸家廢絕不行良以南山宗義受隨相稱行相備足大小途和解行相應故也古今諸師俱競嘆美諸宗賢哲並翫依學如行事鈔七十三家互作記解自界他方俱致承奉誰有如祖師賢聖所嘆人何其如此乎汎而言之四分律藏翻譯已來諸師製疏將二十家然取要言之不過三疏惠光律師畧疏四卷相部律師中疏十卷智首律師廣疏二十卷此名三要疏然唐朝三宗礪宣素義以攝束諸解多在此三相部大疏嵩岳律師作記解釋飾宗義記十卷是也智

首律師大疏既是南山所承故與南山而一途也東
塔律師四分開宗記十卷獨流行天下互謂盡美俱
稱指南唐朝之末東京競起又玄暉律師毘尼討要
三卷與余家少異矣四分大小等疏是也俱多分與
南山同此六家章疏日本並傳焉今盛依學南山一
家兼奉行嵩岳東塔律師新家之義三宗律義之不同恐繁不
述南山律師製律章疏惣五大部一行事鈔三卷分
十二戒疏四卷分三業疏四卷分四拾毘尼
義鈔三卷本是三卷然下卷連五比丘尼鈔三卷分
唯有中今分四卷戒本羯磨並作注解及小部律章自餘諸文部帖

多多不可具舉南山律宗正所依學即此五大部等
也其本所依即四分律六十卷是言其論釋即善見
論是問此宗明何法義答此宗明戒也行事抄中四之一有二種
一止持戒五篇諸止惡門二作持戒說戒等諸修善
門如來所說一切諸戒二持攝束皆悉窮盡故本律
正宗所詮義理唯此止作二持而已初二部戒本是
名止持後二十捷度是名作持二部戒本者僧尼二
部也比丘比丘尼所持名具足戒戒本所說二部戒
中初明僧戒僧有二百五十戒行事抄中之一分為八段一波羅夷
此有四戒姦盜殺妄也二僧殘行事抄中之一此有十三戒一故出

○波羅夷 僧祇三
此云極惡十誦一此
云雖不如意處四分
一此云斷頭
○僧殘 具云僧伽
婆尸沙若犯此罪非

全淨用有殘罪由僧除滅從境立名
 ○尼薩音波逸提 七要律儀云舊翻捨
 ○波逸提 義翻為墮 墮墮在地獄故三十 困財事生犯貪慢心 強故制捨人僧九十 單悔別人故稱單提
 ○提舍尼 義翻向 伎悔從對治境立名

精戒二觸女人戒三麤語戒四嘆身索供養戒五媒
 嫁戒六有主房戒七無主房戒八無根謗戒九假根
 謗戒十破僧違諫戒十一助破僧違諫戒十二汙家
 擯謗違諫戒十三惡性拒僧違諫戒三二不定一屏
 處不定二露處不定四尼薩音波逸提此有三十長
 衣離衣長鉢乞鉢等也五波逸提此有九十小妄語
 兩舌語掘地壞生飲酒非時食等也六四提舍尼蘭
 若受食學家受食等也七百眾學戒齊整著衣戲笑
 跳行等也八七減諍現前毘尼憶念毘尼等此之八
 段具攝二百五十戒攝束八段以為五篇一波羅夷

○偷蘭遮 善見論 九四云障善道從不 善體立名成初二兩 篇罪故

○偷蘭一聚 抄中 一之二云偷蘭 一聚罪通正獨從 遠近體兼輕重律列 七聚六聚並合偷蘭 或在上下殘下在提 從生 篇次 遠次 中蘭 下蘭 獨與 重罪 破僧並四類 輕罪 裸身用髮

日本撰述

票主八宗問要上

七九

二僧殘此二攝罪即如前段三波逸提合前捨隨單
 隨為一惣攝百二十戒四提舍尼如前五突吉羅合
 二不定百眾學七減諍以為一篇惣有一百九戒此
 就果罪及急要義立為五篇自外諸罪立於六聚而
 收攝之一波羅夷二僧殘三偷蘭遮四波逸提五提
 舍尼六突吉羅是為六聚若開吉羅即為七聚五全
 如前六惡作七惡說七聚之中夷殘墮罪及提舍尼
 攝罪同篇門偷蘭一聚攝五篇外聚門吉外一切因
 果輕重諸罪惡作惡說攝篇門吉及餘一切因果吉
 罪故離七聚更無有罪六聚七聚攝罪盡故次明尼

○古來諍論 定實
云尼除七減定合三
百四十一若并七減
即當三百四十八戒
南山尼抄中上云
尼惣有三百四十八
戒

戒比丘尼戒本律說相唯有三百四十一戒束為六
段一八波羅夷二十七僧殘三三十捨隨四一百七
十八單提五八提舍尼六百眾學尼無二不定其七
減諍古來諍論或可有不可有云今南山律師義必
可有云本律文畧故可七段故加七減惣有三百四
十八戒此亦不出五篇准比丘戒可知此為二部廣
律本律前半所說法門分齊如此止持戒也次作持
門捷度法者本律後半二十捷度一受戒捷度二說
戒捷度三安居捷度四自恣捷度五皮革捷度六衣
捷度七藥捷度八迦絺那衣捷度九拘脫亦捷度十

事
宇
注

○來自共 靈芝云
所修法行雖乃萬途
以來自共攝無不盡
揭磨僧法以衆行自
餘雜法總歸共行自
行護體防非他共
云抄上卷明衆行
中卷明自行下卷明
共行舊版三行下加
三人細注恐後人錯

瞻波捷度十一 哥責捷度十二 人捷度十三 覆藏捷
度十四 遮捷度十五 破僧捷度十六 減諍捷度十七
尼捷度十八 法捷度十九 房舍捷度二十 雜捷度此
名二十捷度此等並是作持戒也然二段本律非無
互通止持有作作持有止雖有互通就多分判前後
兩段以配二持若對五大部者事鈔戒業兩疏名三
大部戒疏即止持行相防止隨持事詳業疏即作持
修行羯磨攝僧義明事鈔雙明止作衆四人自一人共
三人三行二持備足其尼鈔一部別明尼二持義鈔
一部多解止持故祖師諸文唯在二持矣此二持戒

四十二
有八字

○戒量三重抄中
一之三四云論其
戒體唯一無作約境
明相乃量塵沙文廣
畧之別出智論十三
三十五十八
四之五十八
○經說五百出藥
師經又毘尼母論八
五

有惣有別惣而言之一切諸善皆二持攝別而言之
唯就戒律一宗明之今二持者且就戒律一門言之
若就惣門非無其義問僧尼具戒局于此歟答
不然僧尼具戒無量無邊若定數限且隨緣制故僧
尼戒量各有三重僧戒三者廣則無量中則三千威
儀六萬細行畧則二百五十尼戒有三重者廣則無
量中則八萬威儀十二萬細行畧則三百四十戒經
說五百戒是有名無相行宗記云上大智律師云托境而言戒則
無量且列二百五十為持犯綱領已尼戒亦尔故僧
尼二眾受具戒時並得如此無量無邊等戒量等虛

○戒有四位業疏
二之下初約人七眾
不同約體四位階級
云五
○式又摩那此云
學法女四分二十
云應二歲學戒十誦
云六法練心二年練
身可知有胎無胎抄
下四之三六
○並同具位抄下
四之二三云沙弥
行事事用同僧羯磨
一法不在數例自餘
眾行並制同條但
沙弥分形法二同須
知

空境遍法界莫不圓足故名具足戒其五戒八戒十
戒六法等皆從具戒中抽之漸誘機根以為具戒方
便漸漸進登遂成具足無願位故是故惣言戒有四
位五戒八戒十戒具戒若加六法惣可五類佛法七
眾所以建立其七眾者一比丘二比丘尼此之二眾
並具足戒三式又摩那此受六法四沙弥五沙弥尼
此並十戒六優婆塞七優婆夷此並五戒前五眾是
出家眾後二在家式及沙弥及沙弥尼戒相標數雖
十戒等至于護持並同具位其八齊戒為在家眾授
出家戒然位唯在家優婆塞優婆夷之攝七眾之外

○高廣大床 謂佛
八指以上即尺六也
增一說八種牀等請
金銀牙角佛師父母
具如抄

○化制二教 戒疏
一之上抄上二之
二之上教誠儀代

無別眾故其五戒者一不殺生戒二不偷盜戒三不
邪淫戒四不妄語戒五不飲酒戒也八齋戒者前五
同上但改邪淫以為不淫六香油塗身戒七歌舞觀
聽戒八高廣大床戒九非時食戒薩婆多論云八箇
是戒第九是齊齊戒合數故有九也上已言十戒者前
九同上第十捉金銀寶戒其六法者一殺畜生二盜
三錢三摩觸四小妄語五飲酒六非時食也此七眾
中男眾有三比丘沙於及優婆塞女眾有四即餘四
是問此宗立幾教攝諸教乎 答南山律師立化
制二教以攝一代教亦名化行二教其化教者經論

○已上南山 戒疏
一之上抄中一之
二之意此十字一
本在在茲下為正
○最初制戒 戒疏
一之上抄云善來三
語鹿苑初唱文又依
四分十二年後因須
提那廣制戒律云

所詮定惠法門四阿含等是也其制教者律教所詮
戒學法門四分律等是也今此宗部即律藏教以戒
為宗法華多羅經上五戒行清淨定慧自立故先持戒制禁業非然後
定惠伏斷煩惑已上南山御本非世福三乘聖道非戒
不立故如來最初制戒意在茲矣 問如常途云五
戒八戒感人天報十戒具戒唯得應果云此義如何
答義未必然若持五八戒任因感報即唯人天十
戒具戒任因感果即是小果依此義故常途云尔若
約意樂其義不尔故大智律師云戒有四位五八十
具若約鈍根通為世善若論上智俱作道基已故知

○五義分通 業疏
 三之下十六云查婆
 厭無學知非非因
 生成佛道知餘非向
 也相召為佛子知無
 異乘捨財用非重知
 心虛通塵境非根曉
 知識了義其施一切
 衆生等二句戒本回
 向文也蓋分通義旨
 顯以為攝注歟

戒法隨機有異此是今宗之所談祖師建立之意致也。問四分律宗大小乘中正是何乎。答律宗諸家所判不同慧光律師云四分一律宗是大乘云云法礪玄暉等師並云唯是小乘云云南山律師云此四分宗義當大乘云云今依此義盛為所憑故業疏中立五義分通謂查婆迴心合注戒本下三十一施生成佛施一切衆生皆共成佛道識了塵境相召佛子捨財用輕遙超餘部寔為深義束上諸戒惣有四科一者戒法如來所制法通萬境故二者戒躰受者所發心府領納故今四分宗依成實論非色非心為躰三者戒行受上隨持三業

○域心 謂猶如住
 心業疏三之下十五
 云終歸大乘須域心
 於處矣

運造故四者戒相美德外彰持相可軌故一切諸戒咸具此四。問今宗所立及祖師意致大小乘中本何行果。答此教所依本是小乘四分本律元被小乘故然義當大乘機根漸進故當分小乘故小無不兼分通大乘故大無不期此是今教所說所旨若據南山律祖意者如來一代所說法門大小諸教分為三教一性空教一切小乘即此中攝二相空教一切大乘淺教悉攝三唯識圓教一切大乘深教悉攝今四分宗即性空教中之一分唯識圓教是祖師域心圓融三學無尋圓行故業疏中明諸宗所談戒躰出

○戒護 舉行目體
謂在心者名之為體
在身口者名之為戒
明了論仁治三界心
或名對治護又戒論
一仁佛三業名三
不護云抄下一之
一仁

○三聚 瑜伽四十
卷說彼云是多善
薩三種戒藏亦名無
量功德藏云

三宗義有宗空宗並性空教攝圓教妙躰是唯識教也大小二宗各立三學且大乘圓教三學者戒護即三聚淨戒藏識種子以為其躰定惠則唯識妙行止觀並運以為其相戒即定惠無一法而非定惠定惠即戒無一法而非戒此名圓融三學行相其中戒者即前所標三聚淨戒謂攝律儀戒一切諸惡皆悉斷捨故攝善法戒一切諸善皆悉修行故攝眾生戒荷負眾生遍施利益故此之三聚亦圓融行故三聚互攝諸戒融通如不殺生即具三聚乃至一切諸戒皆余隨持一戒三聚全具雖是一行廣攝萬行故雖一

○有共不共 小乘
戒限境盡三千餘止
盡形況七支戒長限
攝律一門故云身語
一分共門分齊其不
共門準知若以三業
論收身語共門意戒
不共共不共義門應
知

○分通意戒 行宗
記一之下八十實宗
定不制意假宗制意
但約重緣簡非智亦
是則三宗歷然大小

念頓經三祇不壞三祇而立一念不退一念而經三祇長短無導生佛平等諸法互遍相即無盡豈非深妙乎攝善攝生且略不論其律儀戒亦有三種一別解脫戒二定共戒三道共戒其初別解脫中有三業即身語意所持戒也身語二戒有共不共意業之戒唯是不共故聲聞所受唯此身語一分共門之分齊也四分律等所說戒相即此分齊但四分律分通意戒由此義故有小乘戒今大乘宗此共門戒入三聚中會歸大乘故小乘律所說戒行皆是三聚圓頓大戒更無別相純一圓極彼七眾軌則全同小律律儀

無遺

○瑜伽藏說 四十
十四委說三聚受法
又別有菩薩戒羯磨
一卷或說則亦勸
慈尊近自釋尊相承
遠日月燈明佛所相
傳受法
○南山定判 抄中
之一一篇聚名報
篇終云原夫大小二
乘理無分隔云

戒中建立之故此則南山大師教觀宗旨學者受隨
解行之域心也然受此三聚戒有通受有別受三聚
通受故云通別受律儀故云別今祖師所立白四羯
磨圓意戒法即當彼別受矣然後受菩薩戒者即當
通受矣故今律宗學者通別二受遍納壇場四分梵
網並護戒相通別二受名出法相之家義在南山之
林五篇七聚制起聲聞之藁行巨大乘之園明乎瑜
伽大論之誠說矣南山高祖之定判矣行者域心當
在此宗大覺妙果豈夫賒乎

八宗綱要上卷終

八宗綱要抄卷下

法相宗

問何故名法相宗 答決判諸法性相故名法相宗
也汎言此宗惣有四名一名唯識宗此宗大意明唯
識故二名應理圓實宗一切法門皆應理故三名普
為乘教攝五乘故四名法相宗其義如前今舉其一
也 問此宗依憑何等經論 答唯識論中引六經
十一部論其六經者華嚴深密如來出現功德莊嚴
阿毘達磨楞伽厚嚴是也十一部論者瑜伽顯揚莊
嚴集量攝論十地分別瑜伽辨中邊二十唯識觀所

○厚嚴 日照三藏
所譯密嚴經三卷所
謂厚嚴經是也

○十支 百法論五
蘇論顯揚論攝大乘
論雜集論辨中邊論
二十唯識論三十唯
識論莊嚴論分別瑜
伽論或此十支中除
攝大乘彼論別釋阿
毘達磨經非瑜伽支
分義應加正理門論

緣雜集論是也若惣言之五部大論十支論等皆彼
所依然解深密經瑜伽論唯識論等特為所學指南
問此教以誰為祖師乎 答此教三國次第相
承分明如來滅後九百年時彌勒菩薩從都率天降
中天竺阿瑜遮國於瑜遮那講堂說五部大論補處
薩埵位居十地是則如來在世親聞所傳非空非有
中道妙理於諸教中寔為明鏡如瑜伽論者卷軸百
卷諸教悉判故名廣釋諸經論次有無著菩薩位居
初地繼于慈尊廣傳此宗慈氏教文咸加委解釋尊
所說廣造論釋次九百年時有世親菩薩無著弟也四善

○持三藏久 傳云
戒賢論師患困如刀
刺欲不食死夢金色
人曰汝勿厭身性作
國王多害物命當自
悔責何得自盡有支
那僧來此學問已在
道中三年應至以法
惠彼彼復流通汝罪
自滅吾是曼殊室利

根中明得薩埵承于無著菩薩廣傳此宗依慈氏論
盛施論釋初學小乘造五百部論後弘大乘亦造五
百部論一代教文皆悉通達佛滅後千一十年次有護法菩薩深解世
親論遠弘慈氏教賢却識述記一本云一佛告明空中外道邪執閉
口而如瘞異部小乘卷舌而同訥故西天外道小乘
並稱云大乘唯有此人云次有戒賢論師傳法大將
當時絕倫法相法門咸傳一代教義皆解此五大論
師俱是天竺傳法匠矣次大唐初運有玄奘唐僧傳四卷又有別傳十卷三藏遠
涉流沙賒住天竺遂謁戒賢論師廣傳此宗戒賢論
師待三藏良久即五部大論十支論等九法相法門

○翻傳 案貞元錄
一代翻傳七十六部
一千三百四十七卷

○出萃 孟子云子
貢曰自生民以來未
有夫子也出於其類
拔於其萃注曰萃聚
也

○慈有三傳 依今
師傳通緣起當舉四
傳孝德天皇白雉四
年元興寺道昭和尚
越海往唐遇玄奘三
藏與慈恩同學歸朝
弘河傳授之行基此
為第一傳元興寺本

在飛鳥鄉故稱鳥飛
傳又在真福寺南故
云南寺真福寺玄昉
僧正傳稱之北寺傳
又笠山貞慶實其
義故云笠山傳

無遺皆傳遂還震旦盛弘此宗三千門徒七十達者
四人上足一朝歸仰四海朝宗自餘諸經律論翻傳
極多是大唐法相始祖天竺相承第六也次有窺基
法師是三藏上足智解絕倫繼于三藏廣傳此宗斯
迺百本疏主十地應迹盛德出萃舉世歸仰號慈恩
大師次有淄州惠沼大師繼于慈恩大師盛敷此宗
次有撲揚智周大師稟于淄州大師廣傳此宗此並
大唐國相承次第也至于流傳日本者惣有三傳一
日本智通智達二人稟玄奘三藏二新羅智鳳禪師
承玄奘三藏始傳日本義淵僧正弘相宗於維摩堂

三日本玄昉僧正入唐受學撲揚大師還授善珠僧
正自尔已來次第相承滿寺修學于今不絕並是龍
象之眾徒智辯之鋒寔利咸是師子之盛德決擇之
音極猛和國一寺盛敷法相何宗及之乎三國相承
一無墜矣 問此宗立幾時教攝一代教 答立
三時教攝一代教是則解深密經誠說分明故也一
者有教佛初時中為發趣彼聲聞乘者破外道實我
之執明我空法有之旨諸部小乘皆此教攝且此約
有義餘皆可攝故二者空教於第二時為發趣大乘
者明諸法皆空之旨以破前實法之執三者中道教

○名爲未了 義燈云初說生空密詮法有次說法空密詮法無後方顯明生法二執所取不有若離二執真俗不無

○諸部般若 此宗十六會般若外不并有諸部般若如同學抄一之一計百法論解說有諸部般若然彼恐非慈恩述作難依

第三時中說非空非有之旨以破前偏有偏空之執然則初時唯約依他說有第二時唯約我執說空未是三性三無性顯了之說故前二時名爲未了諍論安足處所第三時中具說三性三無性遍計所執故非有依他起性故非無是則非空非有中道妙理元離二邊直入正路一代之中尤甚深八萬之間特微妙華嚴深密金光明法華涅槃等諸深大乘皆此中攝諸部般若皆第二時攝諸部小乘並初時攝問此三時者爲年月次第爲義類次第 答學者異義不同或云年月三時云或云義類三時云或云義類

○中道 遍計非有依圓非無言之三性對望遍計情有理解依他非有似有圓成真空妙有言之一法中道如唯識中邊約三性對望明其中道至義林章十五卷釋顯其深義明一法中道言但是兼細不同而已鈔主約論詮云多是亦可云

年月兼帶三時 問第三時中中道者但約三性而立歟頗有一法中而明中道乎 答此有二義一云三性對望中道云二云一法中道云然多是三性對望中道而已亦可一法中道云 問第二時中云何說空 答此有二義一云約遍計所執密意而說皆空云一云約三無性而說空云 問此宗立幾許乘 答此宗教中立三乘五性其五性者一定性聲聞二定性緣覺三定性菩薩四不定種性五無性有情定性二乘隨自乘果並無餘入寂菩薩種性二利行滿證大菩提無性有情法尔無有無漏種子唯有

空雖約河執說空處
直及依圓法體云云
入無餘者此宗
意不許無餘還生以
滅異熟第八故涅槃
經等說經八六四二
萬十劫後迴心者
是約不定性機緣根
習學時分非說無餘
沈空時分也云云

有漏種子若昇進生人天之中以之為上 問入寂
二乘有還生乎 答無此入無餘者灰身滅智諸識
皆滅何有還生不定性人必迴心向大都無入寂迴
心之時入十信初心初住入僧祇位乃至成佛眾生
之機法亦有此五性差別故佛隨此一一機根投彼
相應之法故必成五乘謂無性有情是人天乘三乘
定性以為三乘不定種性隨應通三故有五乘若唯
就出世即立三乘矣普為乘名寔由茲焉 問彼法
華等既說一乘故定性二乘皆可成佛何強立五性
乎 答彼法華等是密意說且約不定性而說一乘

○少分一切 北本
涅槃經二十七云
一切眾生悉有佛性
如來常任無有變易
又云云凡有心者
定當得成阿耨多羅
三藐三菩提是以義
故宣說一切眾生悉
有佛性極要上本云
云是據理性及行
性中少分一切唯說
有一

非謂五性俱成佛也縱言一切是小分一切無始法
亦五性差別不可改故 問三乘修行得果之相如
何 答聲聞三生六十劫而證應果緣覺四生百劫
而證其果菩薩經三僧祇得大覺果 問就菩薩位
惣立幾種 答因果合論惣立四十一位謂十住十
行十迴向十地佛果也若開等覺四十二位然法雲
地攝又開十信者五十一位然以十信攝于初住故
慈恩大師唯立四十一位也若西明法師具立五十
二位云此四十一位東為五位一資糧位是地前三
十心二加行位第十迴向之後開四善根以為見道

○西明 西明寺圓
測法師有唯識論疏
十卷古抄多引之今
逸矣宋僧傳四
○二乘之人 論五
云法執俱意於二
乘等雖名不流於諸
菩薩亦名為深障彼
智故由此亦多有覆
無記於二乘等說名
無覆不障彼智故
○菩薩地前等 明
伏斷位次未詳據論
謂分別煩惱障現行
資糧道中漸伏加行
道中能頓伏盡種習
俱初地斷俱生煩惱
障現行地前漸如漸
伏初地以上能頓伏
盡習地地除種金剛

加行方便三通達位是初地入心見道位也四修習
位從初地住心乃至十地是也五究竟位謂佛果是
此名五位修行也 問三乘之人斷何等障 答二
乘之人唯斷煩惱障菩薩大乘具斷二障二障者一
煩惱障二所知障二障各有二謂分別俱生菩薩地
前伏分別二障現行初地斷彼二障種子二地已上
乃至十地地地漸斷俱生所知障至第十地斷俱生
煩惱障種子二障習氣二地已上如應漸斷登佛果
時一時斷盡 問三祇之間各經何位 答三賢四
善根並初僧祇初地至七地是第二僧祇八九十地

斷分別所知障現行
資糧道中漸伏加行
道中能頓伏盡種習
俱初地斷俱生煩惱
障現行地前漸如漸
伏初地以上能頓伏
盡習地地除種金剛
○五恒沙佛等 此
出北本涅槃六卷如
來性品南本涅槃六
卷四依品
○相唯識 論九
云此位菩薩皆帶相
故未能證實對於現
前安立少物謂是唯
識真勝義性
○性唯識 論云若
時菩薩於所緣境無

是第三僧祇過三祇已即證佛果菩薩四十一位東
為四依地前是初依供養五恒沙佛初地至六地是
第二依供養六恒沙佛七八九地為第三依供養七
恒沙佛第十地是第四依供養八恒沙佛三祇之間
合供養二十六恒沙佛此三祇間萬行並修六度圓
足地前修相唯識地上顯性唯識 問此宗立幾法
數攝於諸法 答立於百法攝諸法盡 問其百法
者何 答東為五位一心王有八種眼耳鼻舌身意
未那識阿賴耶識是為八識二心所有法有五十一
合為六位一通行五作意觸受想思二別境五欲勝

分別智都無所得爾時乃名實住唯識真勝義性即證真如智與真如平等平等○未那等未那此翻意恆審思慮勝餘識故此特業釋名第六依主得名故此別也阿賴耶此翻藏有能藏所藏執藏三義云以上二識小乘所不談也及由末那二執根本亦表顯二無我識持種之依而萬法生起之根源又餘經說八九種種識此亦不出兼說識性染淨別開義此宗唯八識無增減萬法皆歸於此修證皆

解念定惠三善十一者信精進慙愧無貪無瞋無癡輕安不放逸行捨不害四煩惱有六貪瞋癡慢疑惡見惡見開五身見邊見邪見見取見戒禁取見五隨煩惱二十忿恨覆惱慳嫉誑謔害憍無慙無愧掉舉昏沈不信懈怠放逸失念散亂不正知六不定有四悔睡眠尋伺六位合有五十一也三色法有十一眼耳鼻舌身色聲香味觸及法處所攝色此有五種極略極迴受所引定所生遍計所起色此並法處所攝色也四心不相應行法二十四種得命根眾同分異生性無想定滅盡定無想事名身句身文身生老住

基於其百法一名義不厭述之

○皆是唯識唯識章云成唯識言識言總顯一切有體各有八識六位心所所變相見分位差別及彼空理所顯真如識自相故識相應故所二所變故色三分位故不相四實性故無如是諸法皆不離識總之識名則莫遺虛存實意也

無常流轉定異相應勢速次第方時數和合性不合性也五無為法有六虛空擇滅非擇滅不動想受滅真如也是百法一切諸法略不過之問蘊處界三科攝色心等法與今百法其義如何答百法之中心王心所及以色法束為五蘊色蘊是色法受想二蘊即是心所識蘊是八識心王自餘心所等並行蘊攝也蘊不攝無為矣其十二處色廣心略准蘊可知其十八界色心廣說亦攝無為此宗本意只明唯識一切諸法皆是唯識都無一法而在心外故慈恩大師云有心外法輪迴生死覺知一心生死永棄上

八星... 卷八... 四...

○五重唯識 慈恩大師依經論意所安排也此宗觀心之要在茲具如唯識章

○四分異說 安惠菩薩據華嚴三界唯一心文難陀菩薩依攝論唯二依他攝護法菩薩依四教理厚嚴持說四差別其意言一二三四唯是開合不同故云或攝為三第四攝自證故或攝為二後三俱是能緣攝故或攝為一體無別故云安難句為一二速隨

不正 ○此亦分三 周遍計度名之通計能遍計者謂執相應六七二識乃通計者謂總處界三科諸法遍計所執者謂實我實法妄執所現 ○四緣 一因緣謂能生種子能熏現行皆為生法因 改二等無間緣謂等開避令後果定生故三所緣緣謂所慮所託此純有二親二疎心心所起必依所慮託猶如麻人不拔不起四增上緣謂於生住成得四支有勝用故廣釋在論八卷可見彼

然諸法差別皆唯識所變離識無別法一切境界皆皈心識惣明此義有五重唯識一遣虛存實識遣遍計所執是虛存依他圓成是實故二捨濫留純識依他內境濫外故捨此唯名識三攝未歸本識攝見相二分未歸自體分本故四隱劣顯勝識隱劣心所顯勝心王故五遣相證性識遣依他事相證唯識理性故前四相唯識第五為性唯識此心之用惣有四分一相分二見分三自證分四證自證分也善珠法今遊矣有計算私記三卷今行於世分量決云心用分限四種差別故名四分唯識論三卷以下然四師異說一安惠菩薩唯立於一分是自證分也二難陀菩薩立於

二分是相見分也三陳那菩薩立於三分相分見分及自證分也四護法菩薩立於四分即前列今則護法盡理之說故立四分相貌差別為心所緣故云相分能緣前境故云見分能緣見分故名自證分能緣自體分故名證自證分也此四之中相分唯是所緣無緣慮義其後三分通能所緣是則八識心王心所各有四分八識雖體各一論用即有四分是故八識各有四分也此宗明真妄義惣立三性唯識論八卷遍計所執性是當情現相此亦分三能遍計所遍計遍計所執前二依他攝遍計所執是當情現相於無謂有虛妄

○依圓妙真約依
圓不異門言妙真
未詳所據論九末顯
異門云安執緣起真
實別故今以妙真
緣起真實四字甚易
讀也
○由彼彼等依論
疏謂彼彼種種俱顯
品類衆多上句出能
計體以遍計行相顯
其法體後句以遍計
行相明起計失或云
上句顯能遍計後句
示所遍計分別緣所
生者且說染分依他
淨分依他亦圓成故
均常無常門唯真如
圓成約無漏門淨
分依他或分別者緣
屬圓成或通諸染淨心
慮異名通諸染淨心

執著二依他起性四緣所生諸法因緣和合有故三
圓成實性諸法理性具於圓滿成就真實三義故也
此三性中所執是妄有依他即假有圓成是真有遍
計所執既是妄執依他圓成即妙真三性互別不相
亂通然依他事法與圓成理性非一非異相不離體
體不離相三十頌說三性偈云由彼彼遍計遍計種
種物此遍計所執自性無所有依他起自性分別緣
所生圓成實於彼常遠離前性故此與依他非異非
不異如無常等性非不見此彼上對此三性明三無
性即翻遍計依他圓成如次顯相生勝義三無性矣

非異非不異者異應
真如非彼實性不異
此性應是無常勝義
世俗相待有故厚嚴
經頌言非不見真如
而能了諸行皆如勿
妄等雖有而非真故
云非不見此彼
○佛密意說 是指
第二時般若惣密教
此中就後二無性有
體空執空傳大要如
上同學抄九之一
云
○前說后說 義燈
七本初三經依第二
釋意一依論文前八
說三后無性明二均
如來說教前八后
應知

故三十頌云即依此三性立彼三無性故佛密意說
一切法無性初即相無性次無自然性後由遠離前
所執我法性上如上三性亦不離識彼三無性依三
性立故唯識論云應知三性亦不離識上又云即依
此前所說三性立彼後說三種無性上諸位修行皆
觀唯識佛果所證但證唯識故萬行自唯識而起萬
德依唯識而感此宗轉於八識而成四智其四智者
一者大圓鏡智二者平等性智三者妙觀察智四者
成所作智也入初地時轉六七二識而得妙觀平等
一智至佛果時轉五八識而得圓鏡成事二智此時

標主八尺相傳下

○有餘無餘 是約
苦依有無顯其別決
定二乘从身滅智名
之無餘佛轉捨藏識
轉得淨識苦依永盡
名之無餘

○四智上相 謂四
智之上功德相論云
四智品真實功德鏡
智所起常通色身攝
自受用
○他受用變化 今
其別現論增勝相攝
實四智俱現述記十
末七

四智圓滿二轉妙果朗然其所證理有唯識論十四涅槃一本
來自性清淨涅槃二有餘涅槃三無餘涅槃四無住
處涅槃也初一凡夫亦具中二聲聞緣覺並得唯佛
果如來具此四種此四惣束名清淨法界加前四智
以爲五法五法三身相攝唯識論十唯識論有二師解其初師
意清淨法界大圓鏡智以爲法身平等妙觀以爲報
身成所作智以爲化身第二師意清淨法界是自性
身四智上相是自受用平等性智所現之身他受用
成所作智所現之身是變化身妙觀察智是說法斷
疑智也此宗正義是第二師指南當知五位修行運

運窮盡二障使習蕩蕩斷滅三祇廣劫萬善成滿攝
在一念佛果速疾有漏八識轉得四智二轉妙果三
身圓滿寂寂而澄照照而朗加之五乘普攝化三乘
各至極一乘方便三乘真實正躰智前真理寂然後
得智中衆生普化依詮談旨三性三無懸鏡矣廢詮
談旨四句百非息慮矣性相決判無如此宗義理極
成何教及此自證三身月圓化他五乘光朗自證化
他甚深廣大上乘所旨義理圓足法相宗旨大概如
此

三論宗

○即為四論 女義云問既有四論何稱三論耶答畧有八義一者一論具破邪顯正言教三義故合名三論二者三論如次各成此三義故為三論云云文廣恐繁

問何故名三論宗乎 答以三部論為本所憑故名三論宗 問其三部者何 答一中論四卷龍樹菩薩造二百論二卷提婆菩薩造三十二門論一卷龍樹菩薩造是名三論然若加智論百卷即為四論亦是龍樹菩薩造此四論中三論是通申論通申大小諸教故智論即別申論別釋大品般若故智論若具譯之可是千卷羅什三藏減於九倍取簡翻成百卷就三論中中論正破小乘兼破外道等顯大乘義百論正破外道傍破自餘顯大乘義十二門論並破小乘外道正顯大乘深義三論所明不過二諦九此宗

云 ○三論所明 不出二諦 俗二智 方便若智論以二智為宗中論用二諦為宗百論用二智為宗十二門論以境智為宗但示三論不同耳若通言之三論皆以二諦為宗云云三論玄義四卷

大意破邪顯正二門為軌論雖有三義唯二轍破邪則下救沈淪顯正則上弘大法振領提綱唯此二徹頗成大宗 問其破邪者何等邪 答惣破一切有所得見畧而明之不出四見一破外道實我之邪見二破毘曇實有之執見三折成實偏空之情見四摧有所得大乘見解內外盡破大小偏折啻有所得通皆遣破故無不被破莫不被責此謂是宗破邪義也 問其顯正者顯何等正 答破邪之外無別顯正破邪已盡無有所得所得既無言慮無寄然對破邪故亦有顯正源不窮則戲論不滅毫理不盡則至道

○然假名門 三論
玄義云良由正道未
曾有無為化衆生假
說有無又慈恩云若
論世諦心境俱有若
依勝義心境俱空云

本來是佛六道衆生本自寂滅無迷亦無悟豈論成
不成乎故此宗迷悟本無湛然寂滅然假名門中論
於迷悟成不成耳由此義故成佛有遲有速由根有
利鈍故也一念成覺是短三祇成佛即長一念不導
三祇三祇不妨一念一念即三祇三祇即一念如一
夕眠夢百年事百年之事還故一夕經三祇故萬行
積成在一念故佛果速疾 問三祇積行者經幾次
位 答三祇菩薩經五十一位然後至佛果故此宗
立五十二位也故此宗意覺體本有迷故有生死返
迷還源但拂客塵時本有覺體宛尔而顯此名爲始

也
字行

○四種釋義 此今
家顯照大乘經論深
意施設也如三論玄
義八十一法華玄論四
二釋玄義云依名
釋義者中以實爲義
中以正爲義理教釋
義者中以不中爲義
謂無名相法爲衆生
故強名相說欲令因
此名以悟無名今見
也互相釋義者中以
偏爲義偏以中爲義
謂中偏是因緣之義
故說偏令悟中說中
令識偏釋也無方
釋義者中以色爲義
中以心爲義云云
○四重二論 爲破
四病故說四門初凡

覺佛當知對迷故立悟對悟有迷悟發則無迷無迷
故何悟無迷無悟迷悟本無本來寂滅迷悟涂淨是
假名施設無得正觀即妙極至道也 問其八不者
何 答不生不滅不斷不常不一不異不去不來遣
八迷故說此八不此即今宗所顯理也此宗釋一切
法有四種釋義一依名釋義二因緣釋義三見道釋
義四無方釋義一切法門以此可釋亦立四重二諦
一有爲俗諦空爲真諦二有空爲俗非空非有爲真
三空有非空非有爲俗非非有非非空爲真諦四以
前爲俗非非不有非非不空爲真斯廼破外道毘曇

是
字行

日本經疏

標生八宗綱要下

十一

法華作
樂著

夫為有聖人為空大明為破有故言空諸法未嘗空有故非空有為真次明為破空有故言非空有未嘗空有何當非空非有故言有非空有二不皆是非為俗次明說四句為俗非四句方乃是真云云中論疏二末廣釋數番不遑舉也

有所得大乘等故也 問此宗立幾許教攝諸教乎 答立二藏三轉法輪攝一代教二藏者一聲聞藏是小乘教二菩薩藏是大乘教大小二教此中攝盡此依智論三轉法輪者一根本法輪華嚴是也二枝末法輪阿含已後齊法華來並是也三攝末歸本法輪法華經是一代諸教一切攝盡此出法華經矣大小二乘顯理同一隨機故散異諸大乘經顯道無二對緣故有別判諸大乘經各立等勝劣三判一切教敢無偏解 問此宗以誰為祖師乎 答祖師血脉三國相承師師繼踵此宗寔明初以大聖文殊師利

是經入於佛慧

○羅什 按貞元錄 六卷十 以弘始三年 十二月二十日什至 長安所譯出經論七 十四部三百八十餘 卷

菩薩為高祖次馬鳴菩薩以為次祖次龍樹菩薩妙弘此宗龍樹授龍智菩薩及提婆菩薩此二大論師並肩施化龍智授于清辨菩薩清辨授智光論師智光授師子光菩薩彼提婆菩薩智解甚深辨才絕倫大破外道盛弘佛教論師此宗授羅喉羅菩薩羅喉羅授沙車王子王子授羅什三藏羅什三藏姚秦之世來至震且大翻經論專傳此宗四論即是什師所翻翻譯之美古今流譽深智之才三國天竺龜茲所尊門徒繞仰如眾星圍白月朝代歸宗似眾流會大海生肇融叡並肩相承影觀恒濟同志美贊遂使曇濟

日本異史

佛生入宗問要下

十四

大師繼踵弘傳以授道朗大師道朗授于僧詮大師
僧詮傳十三代
 僧詮授于法朗大師法朗授于嘉祥大師嘉祥大師
 本胡國人也幼隨父來漢地從法朗大師受學三論
 寔是法門綱領拔出古今威德巍巍現象王之威智
 辯明明奪日月之照製作繁多廣施部帙三論法華
 並為心府大小兩乘悉窮玄底三論甚盛專在此師
 諸祖之中特定大祖解釋盡理不可如之遂以三論
 授高麗惠灌僧正僧正來日本廣傳此宗惠灌授福
 亮僧正福亮授智藏僧正智藏並授道慈律師賴光
 法師矣道慈授善議大德善議授勤操僧正勤操授

○惠灌僧正等依
 傳通緣起三論一宗
 總有三傳一慧灌僧
 正傳二智藏僧正傳
 八不詳三道慈律師
 傳聖元天皇大井南
 都諸寺龍象傳承如

彼者

安澄大德如是相承今不絕明師挺出互弘大義明
 哉三國傳承不墜故義淨三藏云天竺有二宗瑜伽
 與中論云教理甚深何宗及此普幾道邏有言四
 河派流同出無熱七宗分鏡俱出三論當知諸宗是
 三論之末三論是諸宗之本豈有不入龍樹心府之
 宗乎矣諸宗悉崇為大祖者乎

天台宗

問何故名天台宗 答從山為名此宗從彼山而起
 故也 問此宗何教為所憑乎 答以法華為所依
 本經以判一代諸教然判教綱網諸義咸引故伊人

替換道
 貴道詮

三智一心 統紀
六如云大智度論云
欲以道智具足道種
智當學般若欲以道
種智具足一切智當
學般若欲以一切智
具足一切種智當學
般若欲以一切種智
斷煩惱又欲以般若
若問曰一心中得三
智斷一切煩惱及習
云何言以一切智具
足一切種智以一切
種智斷煩惱及習者
曰實一切一時得此
中為今入信般若次
第差別說云 師依
此文以修心觀入初
住無生忍位又讀中
論至四諦品後云因

法師義例云一家教門所用義旨以法華為宗骨以
智論為指南以大經為扶疏以大品為觀法引諸經
以增信引諸論以助成觀心為經諸法為緯織成部
帙不與他同上已 問此宗以誰為祖師乎 答以天
台智者大師為宗師矣然惠文禪師依智論立一心
三觀以授南岳統紀六代惠思禪師靈山聽法華憶
在當時行法華三昧位登六根淨智論三智一心中
得之文中論三諦偈妙領心府深發定惠三昧成就
觀解圓明遂授法天台智者大師智者大師亦昔於
靈山同聽法華謁於南岳大師之時妙得憶識修法

緣所生注我說即是
空亦為假名亦名中
道義然大悟云云
○昔於靈山 傳云
諸聖明大藏山慧思
神觀心觀頭於此
山行法華三昧始經
三夕誦至藥王品解
悟便發見共思師處
靈鷲山七寶淨土聽
佛說法思云非爾弗
感非我其識

華三昧位居五品建一家大宗身具十德惠文南岳
唯提義綱至于天台大師廣立教時具判一代此宗
盛興帝在此祖次有章安大師承天台大師廣傳此
宗天台唯散說章安悉結集以成一宗之典籍以作
一家之綱目次智威大師承章安大師廣傳此宗智
威授惠威大師惠威授玄朗大師玄朗授妙樂大師
妙樂大師廣解祖文並製記章天台止觀玄義文句
如應作輔行釋籤疏記諸家記章不及今師自餘祖
文無不解判故古今特依承諸方歸為所憑妙得祖
意唯今家記頗符大宗義通法師智禮法師淨覺法

師等皆承此後妙樂大師授法道同四十二邃和尚則法門靈府也佛說地持下及智雲等皆稟妙樂並肩行化互為龍象爰日本傳教大師延曆二十三年渡大唐國謁道邃和尚廣傳此宗寫瓶無遺傳寫盡遂還日本弘之延曆二十四年叡岳義真和尚傳教大師上足承和善入唐義真和尚上足仁壽三年入唐慈覺大師智證大師如是等祖師先德互相承流傳于今不絕日本一國無處不弘異國諸州傳聞盛學雖時末法人之歸仰無過此宗貴哉大矣

問此宗立幾時教判一代教又明何法門乎 答一宗大義教觀二門言教門者義解養神佛道圓開故言觀門者觀行進登證覺妙發故其教門者四教五

○化儀化法 頓等
四教是化儀如世藥
方等四教名化法
如辨藥味
○有空門 四教義
云即三藏教明正因
深生實有空能破備
執子
○非有空 大論
云云車匿物也心
謂
知乃可謂道

味一乘十如是等也其觀門者法華去義三之下十二因緣二諦四種三昧三惑義等也判一代教約教有四教約時有五時四教之中亦有二種一化法四教是釋義之綱目也二化儀四教即判教之大綱也兩種四教合為八教 問且化法四教者何 答一三藏教一切小乘小乘為三藏此教中攝二通教諸大乘中通被三乘此教分齊三別教諸大乘中不與小共獨被菩薩即此教攝四圓教諸大乘中圓融相即無尋法門即此教攝初三藏教者小乘教中諸部分流然取要唯四一有門小乘即毘曇是二空門小乘是成實論三亦有亦空門謂

且就有門 四教
 義六云問空門明
 位勝昆曇何故捨勝
 用劣於昆曇雖勝是
 常去得不且又大乘
 法小乘用亦多
 門
 別相觀身受心法各
 別波淨樂常我顛倒
 目之為別四念處觀
 一 一德破四顛倒目
 之為德
 外內九 初翻
 四倒未入聖理故名
 外漸見法性心遊理
 內聖道未生故名內
 九

毘勒論四非有非空是迦旃經彼毘勒論及迦旃經
 未傳震且且就有門毘曇所說而明之者此教之中
 明三乘修行得果之相先聲聞乘有七賢七聖其七
 賢者一五停心二別想念處三惣想念處此三是外
 九頃解脫分位也四燻法五頂法六忍法七世第一
 法此四是內九頃決擇分位也其七聖者一隨信行
 二隨法行三信解四見得五身證六時解脫七不時
 解脫初二並見道鈍根者名隨信行利根者名隨法
 行鈍根者入修道名信解利根者入修道名見得此
 信解見得二人得滅盡定還名身證鈍根人得羅漢

○極速三生 頌疏
 二十三十九云初生
 起頃解脫分第二生
 起頃決擇分第三生
 方得入聖文 三生六
 十皆通其利觀
 依證果
 依利觀
 利 鈍 利
 利 鈍 利

○通教 通前藏教
 通後別圓故通教
 教名又三人同以
 無言說道入空故名
 通教其名
 ○十地 菩薩者謂
 未有理水故性地謂
 得相以無相性水故
 八人者謂八忍以下

果名時解脫利根人得羅漢果名不時解脫雖有七
 聖唯是四果聲聞得果極速三生極遲六十劫即得
 證也其緣覺乘即有二種一部行獨覺二麟喻獨覺
 部行出佛世故部類眾多麟喻唯獨一故不知佛世
 極速四生極遲百劫彼得果也菩薩經三僧祇亦逕
 百劫然後菩提樹下成佛三乘俱斷見思惑矣三乘
 所觀互各不同聲聞觀四諦緣覺觀十二因緣菩薩
 修六度三乘得果並入無餘灰身滅智此教明生滅
 四諦十二因緣六度二諦等法是界內事故也二通
 教者此有四門多明空門此教明三乘共十地其十

標註八宗綱要下

文日願應知

○別教四門 止觀
六之一種
○從假入空 觀
疏云假是虛妄
也空是實實道
今欲去俗歸真
從假入空觀
○習種性等 瓊瑤
經上卷賢聖學
備品

地者一乾惠地是外九位二性地是內九位三八人地四見地斷三界見惑是初果也五薄地即一來果六離欲地是不還果七已辨地是羅漢果聲聞從初至此乃至無餘灰斷八支佛地除習氣入空觀緣覺至此證果入寂九菩薩地是出假位菩薩至此動逾塵劫出假利生道觀双流十佛地菩薩寂後身斷餘殘習七寶樹下天衣為座成道乃至入寂此教明無生四諦十二因緣二諦等法此界內理教也三別教者亦有四門多用亦有亦空門此教明五十二位一十信是外九位從假入空二十住是習種性位初住

明六種性謂習種性
性種性道種性聖種性
等覺性妙覺性今家
以對別位云云

斷三界見惑次之六住斷三界修惑後三住除前惑習氣並塵沙惑此位空觀成就傍習假中三十行性種性位正習假觀傍習中觀破塵沙惑四十迴向是道種性修中道觀伏無明也此住行向是內九位五十地聖種性六等覺上二並破無明分證中道名分聖位七妙覺是極聖位破無明證佛果也即七寶為座成道矣此教明無量四諦十二因緣等此界外事教也此宗明障惣立三惑一見思惑二塵沙惑三無明惑見思是界內惑故藏通二教三乘所斷塵沙無明是界外惑故別圓二教而所斷也五十二位具伏斷

而恐之

大集狀
標生八宗明教下

○六即 諦觀云圓教位次若不以六即判之則多濫上聖故須六即判位即者體不二故故名爲即

○十心具足等 今言十心具足者謂十乘說七次下文爲攝注可止一觀五之一明十心具足之一八乘觀十心具足之一八云若八信植深廣起圓信解而修圓行則觀是名初品爲助觀讀誦經典如膏助火是名第二品內觀轉強弘誓重勤說法開導化功行已圓觀轉明是名第三品正觀稍明信兼利物是名第四品圓觀稍熱理

此三惑圓教六即亦亦四圓教者亦有四門多約非有非空門此教立六即位一理即一切衆生一念心即如來藏理此心即具三諦妙理不可思議是名理即二名字即聞上所說一實菩提於名字中通達解了知一切法皆是佛法是爲名字即三觀行即是五品位十心具足十法成乘觀也讀誦經典更加說法兼行六度正行六度修此等行故名五品位是外九位也四相似即是六根清淨鐵輪十信位也初信斷三界見惑次六信斷三界思惑後三品斷習氣並界外塵沙伏無明惑是內九位也五分真即是十住十行

事欲融觀心無間故具行六度是名第五品

○四教佛身 文句云現丈六七比丘像菩提樹下三十四心正智俱足者即三藏佛帶比丘像言帶丈六像佛身佛相利鈍機見二種現尊特身樹下斷餘殘習者即通佛單現尊特相所有身無礙故坐蓮華臺受佛職者即別佛墜前三相示不可思議如三身相若即圓佛故經云或丈六之身

十迴向十地等覺也於四十一位中各斷一品無明各頭一分中道之理並八相成道而度衆生普門示現而益機根名爲分聖位也六究竟即等覺一轉入于妙覺佛果圓滿斷證窮極此教明無作四諦十二因緣等 問四教所談佛果三身之中何乎 答藏通二教是應身於中藏教劣應身通教勝應身也別教他受用身圓教自受用身理智冥合融通無尋三身即一如來也 問四教之佛居何等土乎 答此宗立四種佛土一同居士九聖雜居故藏教所談劣應身佛居此土中於中有二一同居穢土如娑婆

或見小身大身見生
法界地法門或
見身同虛空遍法界
無有分別云云
方便有餘 觀經
云修方便道斷四
住惑見一處欲愛故
云方便無明未盡故
示有餘
實報土 行真寶
法感得法夫下色心
相妨故云實報無障
導
常寂光土 常即
去身取即華光即
般若前三在事故從
居人修斷因果立土
名此屬理故從本體
三德為名
化儀四教 對前

等二同居淨土如安養等二方便有餘土在三界外
唯三乘人離三界身住彼淨土通教所談勝應身佛
即居此土三實報土別教十地圓教十住已上菩薩
斷無明惑顯中道理住於彼土若據教主別教所明
他受用身四寂光土唯佛實身住彼淨土機根離絕
佛佛境界即是四德波羅蜜周遍寂照理智冥合法
身所住四教佛居如此四土也以此四教判如來一
代大小諸教莫不窮盡化法四教大概如此次化儀
四教者一頓教如華嚴經二漸教阿含方等般若之
三時止三不定教機解不同同聽異聞聞大解小聞

頓漸定教即明不定
教或對時漸此據
釋相次第雖尔不定
秘密通前四時初無
前
於漸漸互相知不定
同義其
於漸漸互相知不定
五時五味 五時
今依依通機深三
此如來對聖品文以
義對涅槃經聖行品
五味所立也五味者
乳酪生酥熟酥醍醐
為教相是也
○百界十如 止觀
五之三云一心具十
法界一法界又具十
法界百法一界具三
十種世間法九者

小解大等然互相知名不定教四秘密教一會之說
對機異說或說小之座說一實法或說大之座而說
餘法然互不相知故名秘密教是惣名化儀四教也
當知化儀所說不出化法化法說儀不過化儀故立
八教以為判解即大綱綱目其五時者華嚴阿含方
等般若法華涅槃化儀次第一代說教不過此五名
為五味此宗百界十如三千世間一念之中頓具不
縱不橫建立二諦惣有七重四種三昧為行方法一
心三觀具足圓滿相即自在無導圓融即凡見佛即
佛現凡三千在理同名無明三千果成咸稱常樂今

法界百法一界具三十種世間法九者
法界一法界又具十法界百法一界具三十種世間法九者
法界百法一界具三十種世間法九者
法界百法一界具三十種世間法九者

聖三傳世間百法
界即具三千種世間
此三千在念心若
無心而已介尔有心
即具三千一心與一
切法非前非后如八
相遷物相與物非前
非后若從一心生一
切法者此則是縱若
心一時含一切法者
此即是橫縱亦不可
互攝不橫亦不可縱
其故非識所識非言
相故非識所識非言
所言云
○三十在理 十不
二門指要鈔下卷云
大衆因果皆是實相
三十皆實相相宛然
實相在理爲深作因
縱具佛法以未顯故

法華妙旨寔在茲矣諸教之中此教最長諸宗之中
爲深奧超八極圓厥旨深高遠疾大果又妙矣

華嚴宗

問何故名華嚴宗 答以華嚴經爲其所憑故云尔
也 問華嚴惣有幾經乎 答若本論之有十類別
然今取要言只有三本一上本華嚴十三千大千世
界微塵數偈一四天下微塵數品二中本華嚴四十
九萬八千八百偈一千二百品此二本經攝在龍宮
不傳閻浮三下本華嚴十萬偈三十八品此傳閻浮
五印盛弘此云三本華嚴也下本經十萬頌內傳譯

同名無明三十離障
一一法門皆成四德
故咸常樂
○華嚴三譯如抄又
法師地持訶羅奉勅
譯補入法界品出探
玄記二十卷定
晉譯唯譯補故非別
譯
○香象 圓覺鈔三
卷二十云康藏和尚
姓康名法藏香象之
名未見諸傳
○杜順 佛祖統記
二十云有弟子諸
五臺菴山麓見老人
語口之殊分住終南
山杜順和上是也

震旦經於三譯東晉朝代覺賢三藏翻成六十卷得
彼梵本三萬六千偈次大唐朝喜覺三藏翻成八十
卷得彼梵本四萬五千偈後大唐朝般若三藏貞元
年中翻成四十卷唯是入法界一品也 問此宗以
誰爲祖師乎 答香象大師以爲高祖然具言之立
於七祖第一馬鳴菩薩第二龍樹菩薩第三震旦元
祖杜順禪師是文殊應迹居終南山製華嚴法界觀
五教止觀十玄章等流通此宗謚號帝心尊者第四
智儼禪師承杜順師盛弘此宗製作多多居雲華寺
號雲華尊者第五香象大師稟智儼禪師廣敷華嚴

○原天雨花 按佛
 統記八十卷於大
 原寺開華嚴宗旨感
 白光自然自口而出
 須臾成蓋云
 ○謚賢首 圭峯開
 抄三卷長水華嚴
 并云勅謚賢首大師
 又巨真鈔一云纂
 兼記及崔氏賢首傳
 并曰法藏字賢首兩
 說不可是非誤正於
 後者

一朝國師四海重寶講經感天雨花開義口出五光
 大唐則天皇后謚號賢首菩薩經論解釋製造極多
 大經本疏餘經別章諸論義記一宗惣義解釋無遺
 義理盡述凡華嚴甚盛帝在此祖第六清涼大師承
 香象大師弘華嚴教智解深廣兼通諸宗以此圓宗
 為其心府製大疏演義鈔及自餘章疏其數多多一
 朝歸宗以為國師十哲堅固終身不懈居清涼山謚
 號華嚴菩薩第七宗密禪師承清涼大師盛弘華嚴
 兼通諸宗製作甚多居圭峯草堂寺謚號定惠禪師
 此之七祖淨源法師不詳出處奉勅記之若據震且杜順已下

○五教十宗 五教
 章上詳五云明分教
 開宗中有二初就法
 分教教類有五後以
 理開宗宗乃有十云
 云又探玄記一三
 云以義分教教類五
 此全就義分非如相
 宗約時天台以部教
 判
 ○小志乘生等 五
 教章匡真鈔三十五

唯立五祖日本所翫特仰四祖杜順智儼香象清涼
 流傳日本聖武天皇天平八年道璿律師為其始祖律師承香象大師律
 師授良辨僧正自尔已來至今繼跡血脉相承敢不
 中絕 問此宗立幾宗教攝一代法門乎 答立五
 教十宗攝一代法門其五教者一小乘教二大乘始教
 三大乘終教四頓教五圓教也初小乘教者如來出
 世為說一乘開化眾生故菩提樹下說本教一乘高
 山先受光而獲大益日輪初耀照而覺群機然小志
 眾生不堪聞深法故如來於一乘中分別三乘漸誘
 淺機以令趣大道此中小乘教是如來權方之施設

○唯存狹劣 果極
阿羅漢證至無餘依
僅斷見思二惑獨出
分段生死故云狹劣

○未盡法源 華削
記云不達如來藏心
本具無漏功德故未
盡淨法源不了根本
不覺是有漏因故未
盡淨法源此教尚不
論七八二識豈況無
明法性耶

○影似小教 豈唯
識明法爾五性對不
定種種菩薩種種許
八識三性二無我之
理尚談決定二乘入
寂旨如解深蜜經二

暫授羊鹿以誘小志假設化城而息勞窮故所說義
理隨機淺近所詰果證唯存狹劣如此誘攝漸令趣
大乘故也 問此經中所說義理其相如何 答所
說義理眾多無量且舉一二謂言法相則七十五數
為無為之相歷然談法源則六識三毒染不染之義
宛尔四果證入只存入寂三祇進趣專在五分外道
邪見之幢如塵而碎分段見思之負如雲而晴然未
盡法源故諍論極多二十部黨類即此教相貌也次
大乘始教者此教既出小乘始入大乘故少雖影似
小教多談直進深義三祇修行趣極證之大果二空

卷無自性相品八說
故曰影似小教
○諍論斯止 探玄
玄記云廣說法相
說真性所立法決
揮分明故非定諍
○真如無知 四智
菩提是種生法尚屬
依他深淨諸法賴耶
隨緣而未嘗明真如
隨緣義故真如唯疑
然常住故名真如無
知

顯證高出偏小之情百法境明決擇分明故諍論斯
止法苑即平四智^{如上釋}心品自用之月明三身妙果斷證
之光圓八識建立法相廣張二諦法門重重深奧二
障伏斷眾惑如冰消六度修行自他並運妙理冲遠
寔非小乘所闕大義深玄迥超羊鹿權車然真如無
知緣起之途未通事理不即相融之門未開故五性
分機出世有成不成二乘有差佛果立趣不趣是有
性無性之隔別定性不定之差異也故此教無性不
出生死定性都無迴心即此教意也退雖出大眾上
座之黨進未及隨緣皆成之談始教其名寔由此矣

○終教 探玄記云
 少說法相廣說真性
 以會事從理故所立
 八識通如來藏
 ○依他無性 依他
 因緣法本亦無性無
 性即不異圓成故玄
 談五六云法性宗
 中依他無性即圓成
 無性即空即圓成
 ○眾生煩惱 妄滌
 煩惱元來虛無性相
 不可得故起信論云
 無漏無相種之業切
 皆同真如性相故修
 多羅中依於此義說
 一切眾生本以常住
 入於涅槃菩提之法
 ○生住異滅 筆
 削記一十一云四相

次終教者此教諸相融即入不二之定門真如隨緣
 榮森羅之法苑故如來藏海通八識而冰水如有性
 無性唱皆成而虛空依他無性即是圓成象生煩惱
 即是涅槃第一義空該真妄而寥々生住異滅離三
 時而絕絕是即大乘深義方此中盡法義建立即此
 教窮然未談事事無尋未明主伴具足又泯絕之門
 未絕昇進之相立位是故猶名為漸教也次賴教者
 此教一念不生即名為佛法相之差異都亡泯真性
 之妙理直顯現一切所有唯是妄想一切法界皆是
 絕言五法三自性俱空亡八識二無我雙呵遣階位

有三種一微細四相
 九百生滅二期四相
 相生起三期四相
 兼於餘二期信論云
 以四相俱時而有皆
 無自立本來平等同
 一覺故
 ○佛不都絕 不下
 恐脫佛字探玄記一
 三云云生心即受不
 生即佛亦無佛無不
 佛無生無不生
 ○主伴無盡 如普
 莊嚴童子開佛說一
 切法界無始莊嚴經
 有世界微塵數修多
 羅以為眷屬探玄記
 一四氏華嚴旨歸十
 氏委悉云

悉泯佛不都絕然未知科焉諸法皆毘盧果德浩然
 衆相俱是佛海妙相故尚號淺教也後圓教者此教
 明事事無尋窮諸法之躰相談主伴無盡彰衆相之
 圓備故十玄緣起融諸法而即入六相圓融通衆相
 而無尋一即多而無隔多即一而圓通攝九世以入
 刹那舒一念而該永劫三生證果還彰本成十信道
 圓沒同果海行布之施設備經多劫圓融之妙義現
 身證果行布不身圓融圓融不妨行布故得一切相
 即相融此是教意也如來所說一代教文淺深難區
 不出此五寔判諸法而無遺攝法門而莫餘此之五

日本異本
 卷八 宗綱
 卷八 宗綱

○十玄六相 十玄
六相是海印三昧炳
現之法窮盡一乘法
界緣記顯無盡圓融
自在現社頓祖述於
前法藏寓茲於後五
歸十玄只舉其名數
十玄音同時具足相
應門因施羅網境界
門秘密獲顯俱成門
微細相安立門十
世隔法異成門諸藏
純藏具德門一多相
容不同門諸法相即
自在門唯心迴轉善
成門託事顯法生解
門六相者總相別相
同相異相成相壞相

中初一小乘後一一乘中三並三乘教始終二教是
二教章上漸合為漸頓二教漸中分始終故成三也此五惣束
以為一大善巧廣大法網攝法分齊圓教備建四法
界中收攝窮盡故九一代寂長諸宗玄底莫如此圓
教唯此教窮極華嚴如須彌諸教似群山諸教皆會
華嚴大海三乘並出今經廣死故此教名為根本法
輪圓極自在教也次十宗者上之五教約宗分之不
上教章上過十宗一我法俱有宗二法有我無宗三法無去來
宗四現通假實宗五俗妄真實宗六諸法俱名宗已
上宗並小乘教中開之七一切皆空宗是始教也八

○始教 此教位次
建立率如抄五教章
云問何故此教所立
名數多分影似小乘
等耶答為隨方便影
似引彼末後方便故
若全異彼難信受故
全同彼不名引故又
直進人機靈淺故是
故所示位等相亦似
小乘

真德不空宗是終教也九相想俱絕宗是頓教也十
圓明具德宗是圓教也 問五教行位其相如何
答小乘教中行位分齊全同五教章上小論大乘始教亦明二
乘位其菩薩乘立五十一位五教章上以其十信立為位故此
據直進機也或立三乘共十地等大品般若六卷說等第十地此據迴心機也終
教一切衆生皆成佛道立四十一位五教章下以其十信不為
位故等覺一位開合之異頓教泯絕無寄本不立位
圓教有二一同教一乘全同終教二別教一乘全別
三乘與彼不同故此有探玄記一二門一次第行布門因果次
第進修證入故二圓融相攝門因果融攝無尋即入

云問華嚴唯為別教
耶法華唯為同教耶
答華嚴別為本兼明
同教法華同教為本
兼明別教也言華嚴
同教稱性法華同教
對機華嚴別教是稱
性法華別教是漸入
而非頓入

故以行布故經不可說不可說微塵數劫以圓融故
一念速疾證佛果也此教立三生成佛見聞解行證
入是也圓教義理四法界中一切攝盡無有餘矣一
事法界二理法界三事理無身法界四事事無身法
界也 問此宗佛之身上立幾種乎 答五教不同
且圓教中土立三類皆是華藏莊嚴世界淨穢融即
一多無身佛有十身眾生身國土身業報身聲聞身
緣覺身菩薩身如來身智身法身虛空身
等一切諸法無非佛躰萬德莊嚴包攝無窮故言斷
則一斷一切斷言證則一成一切成十身具足毘盧
遮那寂初顯開無盡玄宗一切諸法此中皆盡為淺

○大方廣佛探玄
記一五云謂大等
是所證之義經是能
證之教義中法喻一
對大等是法華嚴為
喻法中境智一對大
等是所證佛是能證
云云

近機漸漸分流乃至法華會三歸一遂令悟入華嚴
一乘一教化儀唯舒此經終窮攝歸唯入此經舒則
一代八萬森羅交絡卷則九會妙說深廣絃攝大方
廣佛華嚴經理智冥合題名已顯華嚴海會善財童
子一生證入後會寔明欲得速疾大果無過此經教
理甚深何宗及此十玄緣起花鮮矣六相圓融月朗
矣眾經上首諸宗尊主洋洋矣蕩蕩矣不可得稱者
唯此經宗而已

真言宗

問何故名真言宗 答此以大日經蘊悉地經等秘

○秘密真言 二教
論上云法佛談話

七作

謂之密藏言秘與實
說文真言梵云漫相
羅即是真言如語不
妄不異之昔云云
○金剛薩埵 付法
傳云對法身如來海
會受灌頂職位云本
是昔
○依付法傳除善無
畏三藏一行禪師蓋
今抄就本經流傳付
法傳約大法嫡嫡相
承故有異同歟

密真言教為其所憑故云尔也 問此宗誰人而傳
弘於之乎 答如來滅後七百年時龍猛菩薩開南
天鐵塔遇金剛薩埵受職灌頂然後廣流傳之金剛
薩埵親承大日如來大日如來是教主也龍猛菩薩
授之龍智菩薩自尔已來善無畏三藏同金剛智三藏
一行禪師同不空三藏惠果和尚互各繼跡血脉流傳
至于日域之流傳者弘法大師延曆二十三年渡於海波謁惠果阿
闍梨廣傳此宗遂還日本盛開此宗自尔已來日本
一國花洛田舍無不受學至今不絕凡此教盛于日
域偏是弘法大師之力也大師是大權應迹盛德絕

倫行業無雙顯密諸宗無遺兼通大小三藏皆悉窮
盡護法感通威驗才藝豈有及大師之人乎寔照千
古之明燈耀來後之日月也仁明天皇承和二年三月遂於高野山入定人天
歸敬八部尊重內證外用不可思議矣 問此宗立
幾教乎 答立十住心攝大小顯密等諸教窮盡無
遺 問其十住心者何 答一異生羝羊心二愚童
持齊心三嬰童無畏心四唯蓋無我心五拔業因種
心六他緣大乘心七覺心不生心八一道無為心九
極無自性心十秘密莊嚴心是名十住心初三住心
是世間乘於中第一是三惡道第二即人乘第三是

○獨是實果 前九種之心則是因分可說名為權果第十住心則是果分不可說故名實果大日如來以下則示實果秘藏能記于此

天乘後七住心是出世間乘於中第四聲聞第五緣覺乘惣是小乘後五大乘他緣覺心是三乘教一道極無即一乘教第十是金剛乘教最尊最極之實教也九種住心皆是權乘並是因位第十住心獨是實果大日如來心王覺躰塵數諸聖心數眷屬五智所成依正二報本有金剛界自在大三摩耶現覺諸法本初不生大菩提心不壞金剛光明心殿是依報也三十七尊九會曼荼十三大會四重曼荼重重帝網塵刹聖眾是正報也依正無盡自在圓滿高超諸宗而聳聳廣包眾典而廓廓然則顯乘大果未上此堂出世小聖

○四大乘宗 如華嚴法界緣起法華十如三十等源稱性性具理高是兩部大經淺畧未空法佛秘藏達即事而真妙極故以空寂為實理即身義云一切眾生自心中金剛胎藏曼荼羅遠離因果法然具

豈得入室乎是以四大乘宗以空寂而謂實理九界情執覆心城而未開顯唯此密教明見實理深入心城密嚴華藏塵數諸尊森羅而住一切眾生萬德妙用歷然而具故一切眾生皆是毘盧遮那也一切諸相悉是覺王境界此宗建立六大惣明佛躰四種曼荼此上相貌三密相應即其業用六大之中前五大者是理第六識大即智理智之上各有相用四曼三密所以建立智即金剛界理是胎藏界是名兩界兩部大日所以而成六大即大日如來一切諸法不離六大六大法性周遍諸法故一切諸法無非大日大

速疾顯大重帝網

即身義云六大無礙常瑜伽四種曼荼各不離大相三密加持

○六大 顯教名真如法性無色無形只有道理今密教不尔以此六大為諸法體色相具足廣大無際因果萬德本此法體即身義云六大無礙常瑜伽四種曼荼各不離大相三密加持速疾顯大重帝網

名即身
○四種曼荼 一大
曼荼羅 諸尊相好
曼荼羅 具足身等二
三時曼荼羅 持鉢
三法曼荼羅 持鉢
真言 四羯磨曼荼羅
諸尊等

日如來周遍法界當知兩部者是大日如來理智之
德也理德無量故胎藏有四重聖眾智德無量故金
剛界有三十七尊兩部不二為理智冥合此宗佛立
四身自性受用變化等流是名四種法身教論下五智
以成四身即身成佛大覺速證毘盧覺王登之方極
即事而真森然諸相宛尔諸法皆是真如顯教是釋
迦說密教即大日說是故二教說主炳然差別若得
實義即二佛無二離此釋迦別無大日故十住階級
捨劣得勝皆是遮情之分齊十心諸法平等恒然即
是表德之義門常差別門常平等門不二而二二而

○四重秘釋 弥陀
因行果成如悲華經
雙觀經所說是為淺
畧弥陀大日法身皆
門萬德中妙觀與管
證菩提門也此兩部
大經所說是為深秘
更以二重深秘釋顯
云云

不二表德故一塵不弄皆毘盧妙德遮情通顯乘表
德局密乘故此教意一切諸法皆是大日真如即我
身佛法即吾身四重秘釋重重深妙三密業用密密
秘奧若離此教永無成佛之路求出含生豈不信行
真言秘教大概如此

禪宗並淨土宗

夫諸宗義理冲邈難測今滌一毛以露初心日本所
傳自昔已來共許所說唯此八宗然八宗外禪宗及
淨土教盛而弘通波禪宗者佛法玄底甚深微妙本
來無一物本無煩惱元是菩提源大通元年達磨西來不立文字

○六祖等 達磨慧
 可僧 瑩道信弘忍慧
 說是為六祖第六祖
 慧能是南宗祖神
 秀是北宗祖 出六祖
 慧能禪師後為二派
 一曰傳青原行思思
 禪師傳石頭希遷遷
 禪師下分流為曹洞
 雲門法眼 一曰傳南
 岳懷讓讓禪師傳江
 西道一禪師下分
 流為臨濟為仰是為
 五家宗派
 ○淨土宗 抄主別
 述淨土源流章一卷
 行于世

直指人心見性成佛不同餘宗森森萬法相違法義
 重重扣論天竺二十八祖以心傳心彼第二十八祖
 達摩大師梁世傳之漢地乃至六祖次第相承然五
 祖之下南北二宗始分六祖南宗之末漸分五家道
聖武帝天平七年
 璿律師承北宗之禪傳之日本又傳教大師自大唐
從備然
 國傳於此宗名佛心宗近來名德亦自宋朝而傳之
 矣日本諸處盛以弘傳又淨土宗教日域廣行凡此
 教意具縛凡夫欣樂淨土以所修業往生淨土西方
 淨土緣深于此土念佛修行劣機特為易生淨土後
 乃至成佛況而言之一切諸行迴向淨土名淨土門

修行萬行期於此成名聖道門諸教諸宗皆是聖道
 欣求往生是淨土門源出於起信論修行信心分繼在龍樹論教生思淨宗論
 天親菩薩菩提留支曇鸞道綽善導懷感等乃至日
 域咸作解釋競而弘通日本近代已來此教特盛若
 加此二宗即成十宗然常途所因其音八宗而已以
 前所列諸宗次第非是淺深次第唯隨言列列何
 可得故且如上列之耳人身聖教難受難值適得受
 值豈得默止乎仍舉管見以結來緣微功不朽必證
 菩提矣

標註八宗綱要下終

文永五年戊辰正月二十九日於豫州圓明寺西谷
記之于宗教義尚非所軌餘宗教觀一無所知唯
舉名目聊述管見仍錯謬極多正義全闕諸有識見
者質之

華嚴宗沙門凝然生年北九

或人云凝然大德所述之八宗綱要淺學之指南尤
至要云年來欣求之處今度不慮令披見間拋萬
障寫之佛天之告訖歟神明之感應歟歡喜有餘義
學之君子觀之

元龜二年未九月廿二日華嚴末葉大法師成實

明治廿一年五月廿日印刷
同年五月廿五日出版

東京府平民

原板人

宇田總兵衛

京都府平民

下京區第廿五組橋町八番戶

西村九郎右衛門

翻刻人
兼發行者

京都府平民

下京區第廿五組大津町共善

中川榮次郎

印刷者



終

